

Cuera, ils 28 da fevrer 2024

Project dalla Viafier retica «engrondiment dalla staziun da Glion» Las lavurs preparativas entscheivan ils 4 da mars 2024

Preziadas dunnas e preziai signurs

Bugen lein nus informar Vus che las lavurs preparativas per sviluppar igl areal dalla staziun da Glion entscheivan ils 4 da mars 2024 (detagls davart las lavurs anfleis Vus sin la vart davos).

Cun prender en funcziun la nova piazza d'autos da posta concepida tenor ils basegns da personas cun impediments vegnan ils pedunzs a semover auter sigl areal dalla staziun da Glion. Per saver tener quen da quella circumstanza construïn nus in niev sutpassadi per personas naven dil perrun da casa al perrun da miez, dalla vart da Castrisch. Ultra da quei integrein nus el sutpassadi in niev ascensur.

Il medem mument construïn nus il tetg dil perrun sin binari 1. Ina part dil tetg savein nus denton cumpletar pèr cun terminar las lavurs vid il niev baghetg dalla staziun. Nus prolungin il tetg existent dil perrun da miez, aschia che omisdus perruns vegnan ad esser cuvretgs egl avegnir sin ina lunghezia da quasi 135 meters. El rom dallas lavurs vid ils tetgs dils perruns vegnin nus ad endrizzar sistems d'informaziun moderns e duas novas salas da spetga.

En siu concept d'uraris Retica30+ prevesa la Viafier retica da schar cursar el futur duront las uras cun basegns maximal trens dil tip Capricorn cun treis vaguns. Per quei intent vegn il perrun da casa dalla vart da Rueun prolungius sin ina lunghezia da diever da 225 meters.

Il zercladur 2024 entscheivan las lavurs vid la piazza d'autos da posta. Cun spazzar il baghetg existent va ei liber igl atun 2024 cun las lavurs principalas dalla nova surbaghegiada dalla staziun.

Per saver garantir la segirtad ed il menaschi da trens vegnin nus a stuer luvrar singulas notgs. La Viafier retica sesprova denton adina da caschunar aschi pauca canera e puorla sco pusseivel. Avon in tal survetsch da notg informein nus mintgamai la populaziun. Cordial engraziament gia ordavon per Vossa capientscha!

Per damondas stattan il meinaproject dalla Viafier retica, signur Ursin Caviezel (telefon 081 288 65 81), ed il meinaconstrucziun dalla Viafier retica, signur Martin Meyer (telefon 081 288 65 26), adina bugen a disposiziun.

Cun salids amicabels

Viafier retica
infrastructura



Ursin Caviezel
meinaproject



Martin Meyer
meinaconstrucziun superiur

